



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

IX. Vt in Britannia, sine consensu metropolitani, vel comprouincialium,
episcopi non ordinentur.

urn:nbn:de:hbz:466:1-15324

ANNO
CHRISTI
P. III. IOANNES TVRONENSE II. IVSTINVS IVNIOR IMP.
CHARIBERTVS REX FR. 595

167. ipsius excommunicatione commonitus, communicare præsumperit, vsque ad Synodum excommunicatus habeatur.

IX.

Adiicimus etiam, ne quis Britannum, aut Romanum, in Armorico, sine metropolitani aut comprouincialium voluntate vel literis, episcopum ordinare præsumat. Quod si quis contraire tentauerit, sententiam in anterioribus Canonibus prolatam obseruet, & a nostra caritate vsque ad maiorem Synodum se cognoscat remotum & excommunicatum: quia merito a caritate nostra, vel nostris ecclesiis segregantur, qui patrum statuta contemnunt.

X.

De familiaritatibus mulierum licet crebrius sit in Canonibus replicatum, attamen necesse est, vt si secta virgulta, quæ male pullulauerant, redeant, rursus fidei falce succidantur, & iam radicitus eruantur. Nullus ergo deinceps clericorum, pro occasione necessitatis, aut causa ordinandæ domus, extraneam mulierem in domo sua habere præsumat. Et cum iubeamur victum aut vestitum artificio quærere, & manibus propriis laborare, quid opus est in domo serpentein includere pro veste, quæ multiformem vestem non propterea deponit vt nudetur, sed vt se, dum renouatur, ostendat clarorem? Nullus ergo clericorum, non episcopus, non presbyter, non diaconus, non subdiaconus, quasi sanctimoniale, aut viduam, vel ancillam propriam, pro conseruatione rerum in domo sua stabilire præsumat; quæ & ipsa extranea est, dum non est

Concil. Tom. 12.

Ffff ij